



IAP. SIN. I

159A, 167•168•169

148/i

148  
i



丙寅七月會課

# 輪迴

甚哉立言之不可妄也西國上古有人名閑他臥辣者憫世沉迷倡  
為危詞以警之曰世俗之趨向如此必非人類必為禽獸無疑也本  
欲開導愚蒙以冀世之一悟俗之一改奈立言無稽其時學者已斥  
其非謂駟不及舌矣孰知此說流傳天竺竟居以為奇厥後佛入中  
華六祖述其說倡為輪迴報應傳會轉工禍流莫追其害尚可言哉  
然明理者自能辨之其旨有二一人類自相輪迴一人類與禽獸輪  
迴人類自相輪迴者是今世之人皆由前世之魂若然則定數有限  
自古至今但易姓氏不外此生人之數矣何上世地廣人稀三代以

後生蕃日繁民居益稠密乎且又云此處涅槃彼處生產信如此言  
則十月懷胎時此處魂未離身也則彼胎中之或升或降或屈或伸  
忽々變動者又何物焉昔太學江泌女從小出家八九歲能誦淨土  
等經二十餘部長房云此是前世宿習胡致堂堂正辯曰程明道幼  
年試以質帳一日舉千人無有差失夫質帳非世間素有之可云前  
世宿習乎江泌女亦賦姿敏慧者耳歸功前世不忘謬哉人類與禽  
獸相輪轉者是必未有物先有人而後可乃易之繫詞有云有天地  
然後有萬物有萬物然後有男女可見先造物類而後生人享用之  
無疑矣若曰以有罪之人轉為禽獸則初生禽獸時尚未有人禽獸

之魂從何而來若造物者巧於造禽獸之魂而拙於造人之性有是  
理耶佛經云眾生無始終无生輪迴無非父母兄弟姊妹果然則今  
世所娶子媳所遣婢僕所乘牛馬焉知非我先化之祖宗轉為異姓  
焉知非我兄弟姊妹渡轉托生將使人婚娶俱廢犬馬不畜斯乃亂  
倫滅理人道絕矣尚成世界乎至於禽獸轉生亦可為人則爪牙角  
毒未嘗念佛齋僧也而安然為人則人之克己復礼存心養性又遜  
其勞逸矣釋氏云狗子有佛性不幾於犬牛之性猶人之性与且佛  
門以輪迴故放戒殺今每多自犯如塑佛像則用羶血建法鼓則用  
牛皮造香燈則用羊角製磬滾則用蠶絲若輪迴果真將浮屠門不



盡轉為畜生道乎。攬之釋氏欲婪財必先惑衆，惑衆莫先於富貴。福澤而福澤，又不可以卒致，則造為輪迴說，無証之語曰：欲知前世因，今生受者是；欲知後世因，今生作者是。世人遂執迷悟，不富貴者以為前世宿根雖極，吝惜必出資財以圖果報，即貧賤者亦強積糴，銖謂今世既苦，且圖來世耳。嗟！一言之安釀禍，無窮言可安哉。

### 闢輪迴說

天下有倡為誕謾之辭，自以為傲世濯俗，而不知其言之無稽適足以惑世誣民者，則輪迴之說也。夫人莫不由死而死者，不復有生，故三王五帝以前之天子，不再產為帝皇，周公孔子以上之聖人，不更育為賢哲。此亘古來之明驗也。歷覽聖經賢傳，以及諸子百家，皆不著有輪迴。自佛教入中國，而輪迴之說起矣。且其說不始乎佛，不過抄襲他人之吐餘，掩為己有耳。考之西史，古有一好修者，名阿他，刺憫世迷惑，憑臆撰說，以啟誘愚民，自謂權宜之法，足以傲世濯俗，而不覺其滅德立違，泥於井而救人也。故西國名賢在當時已有

直斥其妄者其後訛傳鄰境延及身毒諸邦遂遺中國之害謂人物之互報人魂之循環承偽習舛謬迷罔悟豈知人物之性不同前後之魂各別不可強而混之哉今畧指其謬而辨之人靈物蠢人能明義理辨是非而禽獸不能是犬牛之性不如人之性矣倘人而為輪禽獸則禽獸性人性也必能為人之聲音笑貌而巧亦似之禽獸而輪為人則人性禽獸性也將若禽獸之叫號奔放而拙亦似之今何以不然乎一謬也人貴物賤貴者妨賤其罪常輕賤者妨貴其罪常重乃謂食禽獸之肉者死為禽獸貴者之罰其重如此若豺狼虎豹攫人而食之其罪當何如而反使之為人是賞罪矣寧得為罰乎一

謬也人之神靈古今不相貸蓋自有維皇之降衷而各成其為人此一姓已死之魂不能更為彼一姓之人性如謂福盡孽盡俱復輪迴則後之生者必待前之福孽盡而輪生將人類蕃衍每日之生數多於死之數必至有形質而無靈魂其為滲漏多矣况太古生人之始莫有為之前者其始生之人又誰氏之魂耶一謬也且祖宗支世一脉相承無容紊亂今死而復為他人之子則彼魂生而此魂滅其子孫之祭祀可以不設矣他人之子復死其魂又將誰歸耶以一人之魂而東祀西祭或號之為祖或呼之以孫姓氏屢易支屬遞換分而不能合之而不可一謬也佛氏以明心見性為悟道而不識心性

所由來乃假托於誕謾之辭以惑世誣民如此其謬迷何可勝悼哉

### 開輪迴說

今天人各自造則有善惡兩途大主所操則有賞罰二理賞之則升天堂罰之則墮地獄未有不升不墮而輪迴人世曰已賞之罰之也夫輪迴之說何昉乎作俑于佛氏而濫觴于佛氏以大主至公之賞罰為佛氏方便之法門且又誤認善惡以持齋戒殺為善而以烹宰腥羶為惡曰惡墮輪迴惡趣也以棄家滅倫為善而以毀僧謗佛為惡曰不免輪迴惡道也由是蚩之之氓聽其誑誘即陳以周公孔之大道以程朱之正理彼以悍然不顧漫不之省而況高在上泥然無迹之天主乎正緣人心陷溺佛氏已非一日且曰要知前

世因今生受者是要知後世因今作生者是因果之報信為不爽于是  
有預修寄庫者矣有放生戒殺者矣種一作為無非為後世計而楮  
錢紙庫經懺不惜以真金銀買之欲以一倍博億萬倍何憚而不為  
此反以真實善事為無補無他以輪迴為萬一無疑者也假使有錢  
者人得為預修則後世皆富貴無錢者不能為寄庫則後世皆貧  
窮而世間之富貴難以更僕數矣何貧窮者比皆是而富貴者不  
數也則輪迴之說悞之也尤為誕妄者莫如戒殺一事 天主生  
萬物原以育養人類供日用之需非人類輪迴為胎卵濕化轉受刀  
砧之業報也而佛氏則曰此四生者皆前生屠宰烹炮輪迴今世又

安知非六親眷屬殺之是殺六親眷屬也于是叢林梵宇皆為豢牧  
之地寧割己肉以餵犬豕不肯嘗寸醬以受輪迴噫何蔽翳之深若  
此其牢不可破也夫人生只有此世並無前後之報轉在上為天堂  
在下為地獄而此世者乃升天墮地之界不升則墮不墮則升是在  
吾人遷善去惡知修持之正路識究竟之指歸自可有賞無罰若如  
佛氏輪迴則千萬億世無有終期而善惡之報不幾賞罰之過當乎  
而乃援郝氏蟬人面瘡為輪迴之証安知非佛氏之誑語乎 天主  
之賞罰斷不如是閑他臥寐之謬可以欺佛氏不能欺吾教也能無  
闢之辨

闢輪迴二

天下有是理有是事如木石之怪曰夔罔兩土之怪曰羆羊屋之怪曰藻魚之類是也無是理有是事如孕婦生怪馬鹿生人樂蘇生洞蠻之類是也無是理無是事如人為禽獸禽獸為人此舛謬之甚者則不得不闢之者闢其悖于理害于事以歸于正道也而其甚者莫如佛氏之言輪迴輪迴之說非始于佛氏始于閔他卧辣也閔他卧辣濬其源而佛氏揚其波剽竊其說以為度世之津梁誘人之妙諦而不知其謬實甚天主賦界萬物竟有三等草木有生鬼而無曉魂禽獸有生覺而無靈魂人則生覺靈魂三魂其足與草木禽獸大

相迥別其尊其貴故能超出乎群生而為萬物之靈也今佛氏妄設三塗方道以為人能輪迴為畜生是則所謂犬之性猶牛之性牛之性猶人之性混然無別輾轉相生循環不已其謬一也齋自有正如儒教有三日齋天教有大小齋皆為肅潔心志使鬼神有功非為倖免輪迴而希求福也佛氏則專持清素斷除腥血以此為精修梵行之善果若人、茹素則世間無畜生類矣其謬二也禽獸滋養人生祭祀宴饗皆所不廢故君子遠庖厨未聞禁漁佃孔子釣弋文王雞彘不以為非今佛氏戒殺曰物類具有佛性當視同一體倘互相戕害冤報無休不免輪迴為几上肉也乃縱之林淵飼之芻粟意非不



































